



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-161-4/25**
Datum: **27.05.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Alfa 90“ d.o.o. Živinice za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada pogona za proizvodnju betona, kapaciteta 25 m³/sat, lociranog u ulici Magistralni put bb u Živinicama, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Alfa 90“ d.o.o. Živinice daje se vodna dozvola za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada pogona za proizvodnju betona, kapaciteta 25 m³/sat, lociranog u ulici Magistralni put bb u Živinicama, izgrađenog na zemljištu označenom kao k.č. broj 303/44, K.O. Spreča (n.p.), općina Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod slijedećim uslovima:
 - 3.1. Da se izvođenje radova na prostoru postrojenja za proizvodnju betona vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (separator ulja i masti, betonski taložnik, betonski kanali i slivnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.7. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih

voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

- 3.8. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese, redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog pogona obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „Alfa 90“ d.o.o. Živinice, obratilo se ovoj Agenciji sa zahtjevom za donošenje rješenja o vodnoj dozvoli za aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodno-poslovnog pogona za proizvodnju betona izgrađenog na zemljištu označenom kao k.č. broj 303/44 K.O. Spreča (n.p.), općina Živinice.

Uz zahtjev za izdavanje rješenja o vodnoj dozvoli dostavljena je i pregledana slijedeća dokumentacija:

- Aktuelni izvod iz sudskog registra izdat od strane Općinskog suda u Tuzli – kopija,
- Uvjerjenje o poreznoj registraciji od 29.06.2009. godine izdato od strane Kantonalnog poreznog ureda Tuzla - ovjerena kopija,
- Rješenje o vodnoj saglasnosti, broj: UP-I/25-2-40-094-3/09 od 13.03.2009. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj: UP-I/25-3-40-079-4/20 od 27.05.2020. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj: 04/1-13-21-154112/21 od 30.07.2021. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Zemljišnoknjižni izvadak, Katastarska općina Spreča, broj: 033-0-NAR-25-001 768, Zemljišnoknjižni uložak broj: 1015 izdat od strane Općinskog suda u Živinicama – kopija,
- Izvod iz posjedovnog lista broj 713, broj: 04/13-26-1696/25-2 od 02.04.2025. godine izdat od strane Službe za urbanističko planiranje, komunalne, geodetske i imovinsko-pravne poslove Grada Živinice – kopija,

- Rješenje, broj: 05/5-23-343/09 od 11.05.2009. godine izdato od strane Službe za stambeno-komunalne i urbanističke poslove općine Živinice – kopija,
- Rješenje, broj: 05/7-23-3369/08 od 15.10.2008. godine izdato od strane Službe za stambeno-komunalne i urbanističke poslove općine Živinice – kopija,
- Kopija katastarskog plana, Ur. broj: 04/13-26-1697/2025-3 od 02.04.2025. godine izdata od strane Službe za urbanističko planiranje, komunalne, geodetske i imovinsko pravne poslove Grada Živinice – kopija,
- Ugovor broj: 263-01/25 od 25.03.2025. godine potpisan sa „Kemeko-BH“ d.o.o. Lukavac sa transportnim listom br. 442-04/25 od 09.04.2025. godine – kopija,
- Račun broj: 00425/25 od 10.04.2025. godine izdat od strane Kemeko-BH“ d.o.o. Lukavac – kopija,
- Ugovor, broj: IHI 242-01/25 od 28.04.2025. godine potpisan sa Institut za hemijsko inženjerstvo d.o.o. Tuzla – kopija,
- Elaborat o ispitivanju kvantitativnih i kvalitativnih karakteristika efluenta sa programom praćenja stanja voda (monitoring) i rezultatima monitoringa za Alfa 90 d.o.o. za proizvodnju promet roba i usluga,, februar 2025. godine – kopija,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona „Alfa 90“ d.o.o. Živinice i tom prilikom sačinjen Zapisnik o izvršenom uviđaju broj: UP-1/21-3-40-161-3/25 od 30.04.2025. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

- Alfa 90 d.o.o. Živinice - pogon za proizvodnju betona kapaciteta 25 m³/h izgrađen je na zemljištu označenom kao k.č. broj 303/44 K.O. Spreča (n.p.), općina Živinice.
- U sastavu betonare izdvojeni su slijedeći dijelovi i postrojenja: objekat pumpnog postrojenja zapremine V=23,10 m³, silosi za cement I i II kapaciteta po 50 t, postrojenje betonare, boksovi za kameni agregat kapaciteta 260 m³, taložnik za otpadne vode sa platoa sa dvije komore, betonski kanal sa čeličnom rešetkom, asfaltirani radno manipulativni plato, vaga za kamione, separator ulja i masti i septička jama.
- Sanitarno-fekalne vode koje nastaju pri poslovnom objektu prikupljaju se zasebnim sistemom i odvođe do vodonepropusne septičke jame zatvorenog tipa, bez preliva.
- Nezagađene atmosferske vode koje nastaju pri poslovnom objektu prihvataju se zasebnim sistemom kanala i upuštaju u kanal za evakuaciju oborinskih voda.
- Zamuljene vode koje nastaju na radno manipulativnim prostorima i površinama se izgrađenim sistemom kanala, slivnika, rešetki nesmetano se skupljaju i odvođe do taložnika dimenzija 6,6x4,4 i dubine 2,5m, nakon kojeg se istaložena voda odvođa do separatora ulja i masti TIP AS TOP 1,5 RC/EO/IB, proizvođač Borplastika, RHrvatska, proizvodnja 2009. godine na tretman.
- Poslovni objekat je priključen na gradsku vodovodnu mrežu.
- Čišćenje separatora vrši firma „Kemeko-BH“ d.o.o. Lukavac.
- Monitoring voda, po ugovoru vrši „Institut za hemisko inženjerstvo“ Tuzla. Nakon monitoring okna vode se upuštaju u obodni kanal za evakuaciju oborinskih voda. Prema rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sisteme javne kanalizacije
- Lokacija objekta se nalazi izvan „vodnog dobra“ i ne nalazi se u zonama sanitarne zaštite izvorišta vode za piće.

U prethodnom periodu od dana izdavanja rješenja o vodnoj dozvoli pravno lice „Alfa 90“ d.o.o. Živinice na lokaciji pogona za proizvodnju betona kapaciteta 25 m³/h nije vršilo dogradnju sistema prikupljanja, tretmana i ispuštanja tehnoloških otpadnih voda.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i

čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Alfa 90” d.o.o. Živinice ispunio minimum uslova za izdavanje vodne dozvole za ispuštanje tehnoloških otpadnih voda sa lokacije objekta za proizvodnju betona izgrađenog u ulici Magistralni put bb, Živinice na zemljištu označenom kao k.č. broj 303/44, K.O. Spreča (n.p.), općina Živinice, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.



Po ovlaštenju

Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- „Alfa 90” d.o.o. Živinice, Magistralni put b.b. Živinice,
- ⊙ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava